

# थारी कृपा करो घनश्याम आसरो थारो लिन्यो है

थारी कृपा करो घनश्याम , आसरो थारो लिन्यो है ,  
थारा टाबर हाँ नादान , आसरो थारो लिन्यो है ,

काली घटा से घिरा आसमां बिजली जोर दिखावै ,  
स्वार्थ भरे संसार में बाबा कोई ना साथ निभावै ,  
हारे का साथी श्याम , आसरो थारो लिन्यो है ,

भीड़ पडी है पलक उघाड़ो मतना देर लगावो ,  
आँख्या खोलो हे गिरधारी , छोड़ सिंहासन आवो ,  
थारो जग में ऊंचो नाम , आसरो थारो लिन्यो है ,

भूल चूक बिसराओ देवा , जल्दी हुकुम सुणावो ,  
लखदातार कुहाओ बाबा दातारी दिखलावो ,  
ना देर करो घनश्याम , आसरो थारो लिन्यो है ,

रो रो पुकारुं थानै निहारुं बाट उडिकु मैं देवा ,  
'देवकीनन्दन' देवो साँवरा थारै चरण की सेवा ,  
थानै हाथ जोड़ प्रणाम , आसरो थारो लिन्यो है ,

Source:

<https://www.bharattemples.com/thari-kirpa-karo-ghanshyan-aasro-tharo-linyo-hai/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>